



मितानिन त माला

मितानिन की बातें-मितानिन की खबरें

गोंडी अंक-४

अंक-4

परिकल्पना एवं निर्माण : राज्य स्वास्थ्य संसाधन केन्द्र, छत्तीसगढ़

जनवरी-2019

कौया नार दे कीयानेद मितानिन काम दीन उदाट

स्वस्थ पंचायत सम्मेलन-2018



पत्रिका
समाजिक उत्थान कार्यक्रमों का विभाजन

पंचायत समितियों को उत्साह बढाने पर उदाट
विधायक शरीक हुए जन संवाद कार्यक्रम में, समस्याओं से हुए अवगत

विधायक शरीक ने जन संवाद कार्यक्रम में, समस्याओं से हुए अवगत

परिकल्पना एवं निर्माण
विधायक सतराम नेतृत्व कार्यक्रम में शामिल हुए, समस्याओं से हुए अवगत

मितानिन राशिका, महिला बाता विकास विभागों के लोगों को बताई समस्याएँ

65 पंचायतों के ग्रामीणों ने दिए 190 आवेदन, हर महीने पेंशन देने की मांग

बस्तर संभाग
अनुसूचित कार्यक्रम • समस्याओं के समाधान के लिए गवर्नर से तथा 1076 अनुसूचित विधायक प्रतिनिधियों को दिए गए

मनरेगा भुगतान, पेंशन के आवेदन लेकर मितानिन पहुंचीं, लेकिन अफसर नहीं आए

भोपालपटनम में जन संवाद सम्मेलन

भोपालपटनम, 27 सितम्बर। विधायक खण्ड भोपालपटनम में बुधवार को मितानिन कार्यक्रम के तहत एक विद्यालय स्वस्थ पंचायत जन संवाद सम्मेलन का आयोजन किया गया।

स्वस्थ पंचायत जन संवाद सम्मेलन

तंबाखू गुटखा के विरोध में मितानिन ने नगर में निकाली जागरूकता रैली

तंबाखू गुटखा के विरोध में मितानिन ने नगर में निकाली जागरूकता रैली



तंबाखू रोकें अभियान



जागरूकता : मलेरिया से बचने के लिए नगर में निकाली रैली

बोरगांव में निकली मलेरिया जागरूकता रैली

बोरगांव, आयुर्वेद ग्राम बोरगांव में 25 जुलाई बुधवार को मितानिन स्वास्थ्य कार्यक्रम के तहत ग्राम स्वास्थ्य, स्वच्छता और पोषण समिति तथा आयुष विभाग के संयुक्त तत्वावधान में मलेरिया रोकें अभियान के तहत स्वास्थ्य जागरूकता रैली निकाली गई।



बोरगांव @ पत्रिका . आयुर्वेद ग्राम बोरगांव में 25 जुलाई बुधवार को मितानिन स्वास्थ्य कार्यक्रम के तहत ग्राम स्वास्थ्य, स्वच्छता और पोषण समिति तथा आयुष विभाग के संयुक्त तत्वावधान में 'मलेरिया रोकें अभियान' के तहत स्वास्थ्य जागरूकता रैली निकाली गई।

मलेरिया रोकें अभियान

पोगो रोका कियानेद अभियान

पोगो रोका कियानेद तीन हुड़ी नल किराना दुकानतोर पोगो आर गुड़खा वमानेद विड़सतोर

ग्राम पंचायत-चेरपाल, विकासखण्ड-बीजापुर, जिला- बीजापुर

नार देगा ग्राम स्वास्थ्य स्वच्छता एवं पोषण समिति त मितिंग तेगा नार द सरपंच, पंच उप सरपंच आर जनपद सदस्य जमय तोरा मुने पोगो रोका अभियान त माटा वेहतोर, वेहसनल समिति तोर नार देगा रैली पेयपी कितोर, आर नार देगा जमय पारा नेगा दीवाल तेगा तेना खतरा ते बारे ते लिखा कितोर, फेरके नार देगा किराना दुकान तेगा पोगो। आर गुटका वमानेद बिक्री कीयनेद बंद कीयनीक समझा कितोर तेना खतरा ते बारे ते वेण्डे दुकान तोरक समझा कितोर दूसर लेंज वेण्डे मितिंग कीस जमय मुल दुकान तेगा जांच कितोर फेरके हुड़तोर कि दुकान तेगा पोगो आर गुटखा बिक्री कियानेद बंद कितोर।



स्कूल तेगा तंबाखू, गुड़ाखू आर गुटखा ते खतरा त बारे ते मितानिन वेहता

ग्राम-तुस्काल, विकासखण्ड-अंतागढ़, जिला-कांकेर



नार देगा ग्राम स्वास्थ्य स्वच्छता व पोषण समिति त मितिंग त फेरके समिति तोर स्कूल तेगा अंज नल स्कूल पिला न संग तंबाखू, गुटखा, गुड़ाखू ते आयनेद नुकसान ते बारे ते वेहतनेद निर्णय कितोर आर गुरुजीन समय तहलक तोर, गुरुजी वेण्डे राजी हतोर फेरके दूसरा दिना स्कूल तेगा वेहतनीन हतोर सबसे मुने पूछा कितोर कि बेनो-बेनो पोगो गुटखा, गुड़ाखू कितोर मुने बेनो वेण्डे केलोर इतके धीरे-धीरे एक दूसरे ता फेदरी केतांक पता चले मता कि 15 पिला इदीना नुकसान आर शरीर तेगा हायनेद बीमारी त बारे ते होरकुल समझा कितोर। फेरके गुड़ाखू कियानाव पिला तुरते विड़सानीक राजी हता

फेरके समिति तोर पिला न यायो बाबोरक वेण्डे लोन अंज इदीन तंबाखू, गुड़ाखू, गुटखा त खतरा तीन फेस नल समझाकितोर फेरके दूसरा लेंज लोक नेगा जांच किया हतोर तो हुड़तोर कि इंजे विड़सतोर।

तंबाखू रोको अभियान त संग मितानिन आर मितानिन प्रशिक्षक वेण्डे विड़सता

विकासखण्ड-नरहरपुर, जिला-कांकेर

नार सरोना तेगा ग्राम स्वास्थ्य स्वच्छता एवं पोषण समिति त मितिंग तेगा स्वस्थ पंचायत समन्वय तोर तंबाखू रोको अभियान त जानकारी इतोर, तेन फेरके तंबाखू रोको अभियान जात जानकारी इतोर, मेयदे तिहार कीस मता परचीतीन पढ़े मास सुना कीतोर मितिंग तेगा मूण्ड मितानिन प्रशिक्षक आर 63 तिरसठ मितानिन नानो मता। पर्चा पढ़े मास स्वस्थ पंचायत समन्वयक पूछा कितोर कि बेनो बेनो दीदी गुड़ाखू कि कीतिर आर इंजे इद परच तेद माटा तीन केंजी नल बेनो-बेनो विड़सानीक तिहार हातीर होण्ड मितानिन प्रशिक्षक तुरते गुड़ाखू डब्बा तीन जमा किता आर केता कि इंजे नना विड़सतान आर मितानिन नानों नीक वेण्डे तिहार किता तो तुरते मूण्ड मितानिन दीदी गुड़ाखू किसो मनो हव विड़सानीक तिहार हता, रेण्ड लेसके फेरके मितानिन प्रशिक्षक अपुन संग तवीन केता कि रेण्ड लेसक गुड़ाखू विड़सतांक नावा वजन 40 किलो तिना 45 किलो बढ़े मता आर रेण्ड लेसकने 80 रूपये बचेमता।



पोषण पुनर्वास

पोषण पुनर्वास केन्द्र तेगा पिलानीद कुपोषण तीक दूर कीयनीक नेल्ला

नार-पाढापुर, विकासखण्ड-दंतेवाड़ा, जिला-दंतेवाड़ा

नार देगा होण्ड परिवार ते रेण्ड पिला नेकय कुपोषित (कमजोर) मता। पारा तेद मितानिन सुमित्रा रेण्ड पिल्ला न यायो बाबोंक पेहता इतके होर केतोर कि लोतेगा नेकय काम मिंदे मोमो अनोम। समय बढ़ेमासोर पिल्ला न बीमार तीन हुड़ी परेशान मता। होण्ड दिना मितानिन आर आंगनवाड़ी कार्यकर्ता मिलेमास पिल्ला न यायो बाबो कालयनीन लोन हता आर मिलेमास पोषण पुनर्वास केन्द्र तेगा दोरकानेद फायदा तीन केता कि केन्द्र तेगा पिल्ला नीक जमय तीहनेद आर इलाज फ्री ते दोरकीता आर होरतुर मानी न बेचक दिना मंतीर हचक दिना न रोजी वेण्डे दोरकीता पेरके पिल्ला न परिवार तोर तियार हतोर आर पोषण पुनर्वास केन्द्र होतोर फेरके हगा 15 दिना ते पिल्ला कुपोषण नेल्ला हता, इंजे पिल्ला नेल्ल मिंदे। इंजे परिवार वेण्डे खुशीते मिंदेर।



मितानिन त कंगारु विधि त ज्ञान ते केशमुल पिल्लातीन निमोनिया (सोंयका) ते जीवा नेहता

नार-गोटाईगुड़ा, विकासखण्ड-भोपालपटनम, जिला-बीजापुर



नार देगा नयापारा ते होण्ड केशमुल पिल्लातीन नेकय झूड़ आर डग पोयस मनोर। पारा तेद मितानिन सरिता पिल्ला त जांच ते नेशका नेद ऊड़ता कि पिल्ला हुबय-हुबय नेशकोर मनोर आर नेशकम पिल्ला त पोटाता मरगी लोपो तिकचो मनोर। मितानिन पिल्ला नीक निमोनिया (सोंयका) ता लक्षण पहचान कीस पील्ला तीन गरम तासानीक मेयदे सूती गिसोड़ ते लपटाकीस अस्पताल लोहता। अस्पताल तिना आपस लोन वता फेरके वेण्डे मितानिन पिल्ला त लोन तेगा कालयानीक हता। पिल्ला त यायो नेकय परेशान हासोर मता। मितानिन वेण्डे जांच कीस हुड़ता पिल्ल वेण्डे हुबय-हुबय नेशकोर मनोर

पिल्ला तीन निमोनिया (सोंयका) विड़सवा मनोर। मितानिन वेण्डे पिल्ला त यायोन पिल्ला तीन गरम तासाना मेयदे सूती गिसोड़ते लपटाकीयनेद कारयी कीता आर तोहता आर दिनाल कीयनीक केता फेरके मितानिन दिनाल सात दिन अंज पिल्ला तीन एमोक्सी दवाई हुपी किता फेरके पिल्ला नेल्ला हता, इंजे मितानिन नानो न जतुम ते पिल्ला त जीवा नेयता इंजे पिल्ला नेल्ला मिंदे।

मितानिन आश्रम शाला तेगा जांच कीस तीन्दा हुण्डानेद नेलाकिया केता

ग्राम पंचायत फुलबगड़ी, विकासखण्ड-सुकमा, जिला-सुकमा

नाटे नेगा होण्ड दिना ग्राम स्वास्थ्य समिति त मिटिंग हता मिटिंग त फेरके पिलानेद आश्रम तेगा वेलया हतोर समिति तोर आश्रम तेगा मंदानोर पिला आर अधीक्षक न संग वेहतोर पिल्ला केता कि नियम ते तिन्दा हुण्डा नेद दोरको फेरके अधीक्षक केतोर कि नेंडे ईले अता समान मारत हदेन नेन्ड मुलपेड़क समान वाता फेरके नेला हाता। मुण्ड दिना फेरके समिति तोर आश्रम तेगा अंज नल पता कितोर तो पिला केता कि इंजे तिन्दा हुण्डा नेद नियम ते दोरका मुन्ता।



टी.बी. बीमारी हास मता पिला तीन पहचान कीस जांच आर इलाज कीयनीक मितानिन मदद किता

नार-धनेली कन्हार, विकासखण्ड-कांकेर

पारा तेगा होण्ड पिला त गुंडगा तेगा परेशानी मता हद डोडा वेण्ड तिन्दा परवा मता । धीरे-धीरे ताना वजन वेण्ड कम हासोर मता । परिवार तोर समझ ते वावो कि पिलातीन बाले हता । फेरके परिवार तोर होरतुर वेडे नेगा झाड़-फूंक कीयनीक होतोर इतके हगा वेण्डे नेला येयो, धीरे-धीरे पिला और कमजोरी हासोर हता फेरके पिला ता यायो मितानिन नेगा अंज नल पूरा माटा तिन केता । फेरके मितानिन इलाज तीन मेयदे अस्पताल होता हगा जांच पूरा हेयवा मेयदे कांकेर अस्पताल लोहतोर हगा जांच किता फेरके पिलातीन टी.बी. बीमारी पेयहता, अस्पताल तेगा टी.बी. त दवाई ईतोर, अस्पताल तिना लोन अंज मितानिन आरू लेसक दवाई तीहता आर देखरेख किता दवाई पूरा किता फेरके पिला नेला हता इंजे पिला नेला मिंदे ।



मितानिन त प्रयास ते टी.बी. बीमारी ते बचाकिता

नार-कोनगुड़, विकासखण्ड-फरसगांव, जिला-कोण्डागांव

पारा तेगा होरतुर मानीक टी.बी. बीमारी हास मता होर मानी वर्कर नेग तिना दवाई तस येयेंग लेसक तितोर फेरके विडसतोर होना डग मायो अस्पताल अंज जांच कियाकेतोर तो हुड़तोर कि होंके वेण्डे टी.बी. बीमारी पेयहता, फेरके मितानिन होंड दवाई तासी नल आरू लेसक होंक दवाई बराबर पूरा तिहता, दवाई मारता फेरके वेण्डे जांच किता फेरके हुड़ता की टी.बी. बीमारी नेला हता इंजे होर मानी नेला मिंदेर आर होना लोतोरक जमय तोरक टी.बी. बीमारी त जांच कीया केता ।

अस्पताल तेग मरीज कीन सुविधा त कमजोरीतीन योरो वेहता मितानिन

नार-कोडेकुर्से, विकासखण्ड-दुर्गकोन्दल, जिला-कांकेर



प्राथमिक स्वास्थ्य केन्द्र (अस्पताल) कोडेकुर्से तेगा मुतेन डिलवरी कीस मूण्ड दिना तेबा कीनोर इतके अस्पताल तेगा तिन्दा हुण्डानेद डोडा, नाश्ता बातय व्यवस्था कीवा मनोर । डिलवरी मुतेन मेयदे चाय नाश्ता डोडा जमय अपुन लो तेगा डीना तथा वेसनोर इद माटा तीन नार देगा स्वास्थ्य समिति त मिटिंग तेगा मितानिन आर नार दा मुते केता समिति त मिटिंग तेगा तेना सेंगड़ तुरते आवेदन बी.एम.ओ. साहब नेगा लिखा कीयनीक तिहार हतोर, आवेदन तेगा जमय माटा नीका लिखा कीस ब्लाक ते बी.एम.ओ. साहब नेका होतोर साहब आवेदन पड़ेमास अस्पताल तेगा काम कीयनोरा पोरो नेकय अलम हतोर आर दूसरा दिन कोडेकुर्से अस्पताल तेगा जांच किया वतोर

अगा काम कीयनोक तुरते व्यवस्था तीन सुधरा कीयनीक केतोर आर होरा होण्ड लेंज त वेतन वेण्ड रोका कितोर इंजे कोडेकुर्से अस्पताल तेगा डिलवरी त मुतेनीक चाय, नाश्ता, डोडा जमय अगा दोरका मुंता, स्वास्थ्य समिति त प्रयास ते अस्पताल तेगा व्यवस्था नेला हता ।

केशमुल पिला त जीवा नेहता मितानिन

नार-बंदागुड़ा, पंचायत-गगनपल्ली, विकासखण्ड-उसूर, जिला-बीजापुर

नार तेगा लोक नेग वेलयोर-वेलयोर मितानिन आर मितानिन प्रशिक्षक होण्ड केशमुल पिला त लो तेगा हता, पिला त यायो केता कि पिला मूण्ड दिना हता कि पाल हुण्डा परवो, फेरके मितानिन यायो न पालदीन बटकी ते पीरी नल हुयी कीस हुड़ता हितके पिला पाल हुनो, फेरके पिलातीन अस्पताल होयनीक केता, ईतके नार दिना अस्पताल 20 किमी. दूराम मिंदे आर सड़क हिलवा मेयदे 102 गाड़ी, 108 गाड़ी वेण्डे वाय फरवो अस्पताल दूमर मदानीक धायनेद सुविधालेवक परिवार तोर आलसो मतोर इद नड़मा पिला पाल हुनवा नालु दिना हता फेरके पिला बेहोश हता, फेरके मितानिन प्रशिक्षक शकुंतला पिला त बाबोन अपुन साईकिल ईता पिलातीन अस्पताल होयम इंजो इतके होर साईकिल चला कीया पुनोर फेरके मितानिन प्रशिक्षक नार दे होरतुक मानीक तिया कितार आर अस्पताल लोहता हगा इलाज आय परवानांक 102 गाड़ी ते तुरते बिरया अस्पताल बीजापुर लोहतोर हगा रेंड दिना भर्ती मंज फेरके पिला नेली हता, इंजे पिला नेला मिंदे ।

मितानिन अस्पताल तेगा डिलवरी हायनीक वेरयता मुतेनीक समझाकिता

नार-मिलमा, विकासखण्ड-कोटा, जिला-सुकमा

मिलमा नार दे होण्ड पोटात मंदान मुतेन मितानिन, मितानिन प्रशिक्षक आर नर्स दीदी जांच कीस डिलवरी त मेयदे अस्पताल दायनीक समझाकीसोर मता, इतके पोटात मंदान मुते अस्पताल दायनीक तियार हेयवा मता, मितानिन दिनाल समझाकीसोर मनोर समय हेवत पेय मितानिन केरलापाल अस्पताल होता, मुत्ते रेण्ड दिना भर्ती मंज मिरी वता, फेरके वेण्डे मितानिन आर मितानिन प्रशिक्षक लोन अंज समझाकिता अस्पताल तेगा बाता-बाता फायदा दोरकीता आर अनोकचो बाता खतरा आया परदीता मितानिन संग पारा ता नानो वेण्डे समझाकिता फेरके पोटात मंदान नानो माने मता तो दोरनापाल अस्पताल होता हगा ताना डिलवरी हता इंजे ताना पिला आर यायो नेला मिंदे ।

ऐड़क उल्टी आर पोटा ते बीमार मता मुतेन जीवा नेहता मितानिन

नार-कोतूर तारलागुड़ा, विकासखण्ड-भोपालपटनम

अस्पताल पारा ते होण्ड मुतेन नेकय ऐड़क पोयस मनोर आर संगे-संगे उल्टी आर पोटा वेण्ड अंजो मनोर, हद मुते नेकय कमजोर हास मनोर पारा तेद मितानिन श्रीदेवी लोक वेलयोर ताना लो तेगा हता, मितानिन मुतेन परेशानी हुड़ी तुरते 108 गाड़ी तीन फोन वाटुड़ता इतके अगड़ीना फोन येयो, फेरके मितानिन होवर आर शक्कर घोला कीस हुपी किता रेण्ड घण्टा मितानिन अगय मंज चुड़र-चुड़र देरी ते होवर आर शक्कर त घोल दीन हुपी कीसो मता फेरके मितानिन ताना मलेरिया जांच किता जांच ते वोन्क मलेरिया वेण्डे पेयहता फेरके मितानिन मुतेन अस्पताल होयनीक जरूरी समझेमास गाड़ी मेंहकुड़ता गाड़ी वेण्ड धोरको फेरके बैलगाड़ी ते होयनीक तिहार किसो मता इद नड़मा मुते केता कि इंजे नाकीन मुनेड़ लेक आराम आया मुनता आर पोटा दायनेद वेण्ड कम हता, फेरके मितानिन नार देगय मूण्ड दिना मलेरिया त दवाई तीहस नल मुतेन नेला किता इंजे मुते नेला मिंदे ।



मितानिन समय ते मलेरिया जांच कीस पारा तोरक मलेरिया ते बचाकिता

नार-मुरकी, विकासखण्ड-दंतेवाड़ा



सितम्बर महिना ते मुरकी नार तेगा स्कूल तेगा मितानिन आर मितानिन प्रशिक्षक अंज नल पिला त मलेरिया जांच किता जांच ते नेकय पिलानीक मलेरिया पेयहता फेरके मितानिन इद जानकारी तीन तुरते नर्स दीदी नेगा केता। फेरके दूसरा दिना मितानिन आर नर्स मिलेमास नार देगा मलेरिया जांच कीयनीक शिविर लगा कीता। जांच तेगा नेकय मूलदीन मलेरिया पेयहता फेरके मितानिन आर मितानिन प्रशिक्षक मिलेमास मलेरिया मरीज तोरक मूण्ड दिना दवाई पूरा तिहता फेरके जमय नेला हतोर इले समय ते जानकारी कीस नल मितानिन अपुन पारा ते मलेरिया ते बचाकिता ।

आपरेशन ते टांका (नूल) ऐलतांक परेशान मता मुतेन मदद किता मितानिन

नार-भांसी मासापारा, विकासखण्ड-दंतेवाड़ा, जिला-दंतेवाड़ा

मासापारा तेद होण्ड मुतेन दंतेवाड़ा अस्पताल तेगा आपरेशन ते डिलवरी हास मता डिलवरी हास नल लेंज मे ते ताना टांका तेद नूल देगी नल खुले मता तो अगड़िन नेतुर पेयहतनेद शुरू हता, आर मुतेन नेकय हेरय हानोर फेरके पार तेद मितानिन केंजी नल तुरते नर्स दीदी क करंगता नर्स जांच किता इतके हेरय पेरसता फेरके मितानिन 102 गाड़ी तेग फोन वाटी करंगता इतके गाड़ी रेल पटरी तेग हेवना दाया फरनोर अबड़ दाय फरवो मितानिन नार दोर नालवीर मानीक तिहार कीस कावड़ ते कांजी कीस रेल्वे पटरी तेग 102 गाड़ी एवना तथा केता अगड़ीन 102 गाड़ी ते दंतेवाड़ा अस्पताल होता कितोर मुते नेल हता इंजे मुते आर पिला नेला मिन्दे ।

महिला हिंसा

पुलिस त सहयोग ते मुतेन कुड़मनोर मानीक हुजरा किता मितानिन

नार-हारम, विकासखण्ड-गीदम, जिला-दंतेवाड़ा



हारम माधोपारा ते होरतुर मानी अपुन मुतेन दिन रोज वाटनोर, होण्ड दिना मुतेन मानी इचोर वाटतोर कि मुते बेहोश हता, मुते जमय मानीनीक केता माटा केंजी मितानिन आर मितानिन प्रशिक्षक मुतेन व मानीक समझाकीयनेद कोशिश कोसुड़ता इतके मानी समझे हेयोर फेरके मितानिन आर मितानिन प्रशिक्षक मुतेन वेहता आर केता कि नी मानी समझे हेयोर ईले ते नीक वेण्डे वाटसो मंतोर इद माटा केंजी मुते आलसता फेरके मितानिन केता कि वेंक पुलिस तेगा रिपोर्ट ईया वेयतीता, इद माटा केंजी मुते तिहार हता आर पुलिस तेगा रिपोर्ट ईता, तुरते पुलिस अंज मानीक पोयस नल थाना तेगा ततोर, थाना तेगा मानीक देमा दोरकता पेय माफी

तलकतोर फेरके पुलीसीर केतोर कि निमा मुतेन वाटके तान हेरय वावो, फेरके पुलीसीरा मुने माफी तलकतोर, पुलिस केतोर कि निमा अपुन मुतेन माफी तलहके पेसा परदीतीन ईमा दिना मुतेन माफी तलहकतोर फेरके थाना तिना विड़सतोर इंजे मुतेन वाटोर नेला मंतोर ईले मितानिन न प्रयास ते मानीक सुधरा किता।

जेल द माटा केंजी मानी अपुन गलती त सेंगड़ समिति तोरक माफी तलहकतोर

नार-भांसी (पुजारीपारा), विकासखण्ड-दंतेवाड़ा, जिला-दंतेवाड़ा

भांसी पुजारीपारा तेगा होरतुर मानी हमेशा अपुन मुतेन कुड़मनोर बातय माट त अलम तीन मुतेन पोरो केच नल कुड़मनोर, होण्ड दाम राशन कार्ड लेची मता ताना सेंगड़ वेण्ड मुतेन कुड़मतोर फेरके पारा तेद मितानिन इद माटा त शिकायत नार दे ग्राम स्वास्थ्य समिति तेगा ईता। ग्राम स्वास्थ्य समिति होण्ड दिना मिटिंग कीस जमय मानी सरपंच मिलेमास होना लोन हतोर, अंज नल होन मानीक समझाकिस हुड़तोर इतके मानी समझे मयोर आर समिति तोरक मुण्डाढ़ कितोर होण्ड दिना समिति तोर जमय सदस्य मतोर आर होन मानीक पोयस नल थाना ता होसो मतोर फेरके होर मानी वेरयी नल जमय यतोरक माफी तलहकतोर, फेरके समिति तोर होण्ड दम माफी कीयनेद निर्णय कीस समझाकीस विड़सतोर इंजे होन मानी अपुन मुतेन संग नेल वेहतीतोर आर नेला मंतोर।



जमय तोर मुने अपुन त शिकायत केंजी नल मानी कल हुण्डा विड़सतोर

विकासखण्ड-लोहण्डीगुड़ा, जिला-बस्तर

नार देगा ग्राम स्वास्थ्य समिति त मिटिंग तेगा होण्ड माटा पेयहता कि होरतुर मानी कल हुंज नल अपुन मुतेक हमेशा कुड़मीतोर, फेरके समिति तोर तुरते होंक मानीक मिटिंग तेगा करंगतोर आर पूछा कितोर कि निमा नीवा मुतेन बाता सेंगड़ कुड़मीतीन, फेरके मानी केतोर कि नशा ते होची मतके चुड़ल माटा वेण्ड बिरया हाता आर अगय मारपीट आता फेरके समिति तोर केतोर की इलेते नीवा गलती पेयहता मुन्ता, फेरके मानी जमतोरक कय जोड़ाकीस माफी तलहकतोर आर केतोर कि नावा गलती त सेंगड़ नावा पूरा परिवार समिति तेगा वायनेद हत नाकीन नेकय निशा वेयता इंजे नना कल हुण्डा विड़सीतान मीक समिति तोरक मोड़की नल जोहार कीतान।



ग्राम स्वास्थ्य स्वच्छता एवं पोषण समिति ते कितद् प्रयास आर समाधान

समिति तोर चेतावनी केंजी राशन दुकान दिनाल खोला कियमुंतोर

ग्राम पंचायत-एडका, विकासखण्ड-नारायणपुर, जिला- नारायणपुर

ग्राम पंचायत एडका ते ग्राम स्वास्थ्य स्वच्छता समिति त मितिं ग तेगा नार देगा राशन दुकान दिनाल खुले खुले मयवाद माटा पेयहता समिति त मानी दुकान त निगरानी कीस नल दुकान दिनाल खोलकीनीक समझा कीतोर। दुसरा लेंज समिति त मितिं ग तेग राशन दुकान त जानकारी पूछाकितोर फेरके पता चलेमता कि इंजे वेण्डे राशन दुकान चलाकीयनोर सुधरे मयोर फेरके तुरते समिति तेग मितिं ग वतोर सदस्य पंच, सरपंच, दुकान चला कियानोंक मितिं ग तेगा करंगी चेतावनी ईतोर कि सात दिन त लोप नीम अपना गलती तीन सुधार कीवोक नी कीन काम तीना निकला कीतोम हद दिना तिना इंजे राशन दुकान दिनाल खुलेमाता।



समिति त माध्यम ते मुयतो मानीक सहारा दोरकता

ग्राम पंचायत-संतोषपुर, विकासखण्ड-बीजापुर, जिला- बीजापुर



नर द स्कूलपारा तेगा होरपर मुयतो मानी नेगा तिंदा नेद आर गिचिड़ आर मंदानीक लोन वेण्डे लेवा मता, होर मानी स्कूल तेगा डोडा तहलकी तिनीर आर मर दड़म ते मनोर आर मुलपे वेड़दे स्कूल छुट्टी हतके स्कूल तेगा पटनोर नार देगा समिति त मितिं ग तेगा होन मुयतो मानीक करंगतोर आर नार देगा समिति तोर मिलेमास होण्ड लोन माड़तोर आर गिचड़ी वेण्डे अस्सी इतोर आर राशन कार्ड बनाकीस ईतोर नुका वेण्ड ईतोर हर वर्ष मितानिन दिवस ते मुयतोंक होण्ड कंबल ईतोर ईजे मुयतो मानी समिति त सहयोग ते नेला वेड़का ते मिंदेर।

मितानिन नानोंक वेण्ड राशन कार्ड दोरकानेद अधिकतर मिंदे

ग्राम-भरवाबेड़ा, विकासखण्ड-कोण्डागांव, जिला-कोण्डागांव

नार देगा सरपंच आर सचिव होण्ड मितानिन पार्वती दीदी न नीमा मितानिन काम कीतिन ईजो केस राशन कार्ड तीन पंचायत तेगा जमा किया केतोर आर नुका ईयानेद बंद कीयाकेतोर। तो ग्राम स्वास्थ्य समिति त मितिं ग तेगा मितानिन इद समस्या तीन केता समिति तेगा वेहस नल मितानिन नानोंक हिम्मत हितोर कि निमा होण्ड चिट्ठी बनाकीस कलेक्टर नेगा जनदर्शन तेग अंज नल ईम, मितानिन जनदर्शन तेगा अंज नल ईद माटा तीन केता आर सरपंच सचिव नेगा वेण्ड जानकारी इता। कलेक्टर इद समस्या त निराकरण कीयना मेयदे सरपंच आर सचिव नेगा चिट्ठी ईस होण्ड दिना त समय ईतोर फेरके मितानिन पार्वती दीदीक पूना राशन कार्ड दोरकता।



इंदिरा आवास योजना लोन ईतान इंजो पोयस मता पैसा नीग सरपंच निगड़ा समिति तोर वापस किया केतोर

नार-मुलमुला, विकासखण्ड-कोण्डागांव, जिला- कोण्डागांव

नरदेगा समिति त मितिं ग तेगा होण्ड मुते केता कि नार द उप सरपंच इंदिरा आवास ईतान इंजो पांच हजार पैसा तलहकतोर, समिति इद माटा तीन रजिस्टर तेगा लिखो किता अगर ब्लाक ते सम्मेलन तेगा केता तेना जानकारी सचिव नेगा वेण्ड ईता, फेरके सचिव उप सरपंच तीन आर मुतेन करंगी, आमने सामने पूछा कितोर सचिव केतोर कि मुतेना 5,000 रूपये नगद वापस कीसिम मुतेन पैसा वापस दोरकता।

बोरिंग त आस-पास सफाई कीयनीक समिति समझाकिता

नर-मोरठपाल, विकासखण्ड-बस्तर, जिला-बस्तर



मोरठवाल चडारपारा ते हेर हुण्डनेद बोरिंग त आसपास नेकेय गंदगी मता। पारा त मितानिन तेना बारे ते पारा तोरकीन समझा कीस हुड़ता इतके बेनो केंजवा मनोर, फेरके मितानिन इद माटा तीन नार देगा ग्राम स्वास्थ्य समिति केता आर मिटिंग इद पारा तेग केता मिटिंग तेगा पारा तोर मुते मानीक वेण्ड करंगता आर मिटिंग तेगा समझा कितोर कि बोरिंग त साठ गंदगी मतके बीमारी आता मिटिंग त फेरके जमय मानी मुते बांरिंग त साठ साफ सफाई कितोर, फेरके पारा तोर हमेशा स फाई कीयनेद शुरू कितोर।

चुड़ला पिलानीक धागा कीयनेद नियम तीन समिति त माध्यम ते रोका कितोर

ग्राम पंचायत-गोंदिया पाल, विकासखण्ड-बस्तर, जिला-बस्तर

नार ग्राम स्वास्थ्य समिति त मिटिंग चले मासो मता। मिटिंग तेगा मितानिन रैयमती केता कि मांझी पारा ते होरतुर मुयतोर मिंदेर होर पारा ते आस पास ते पिला पुटके चुड़ला पिलापनीक ऐताड़ तीन कासी पिलानीक पोटा तेगा धागा कीतोर, मितानिन केता कि मोमो मना कीस हुड़तोम इतके माने मयोर इद पान्ता मुनेड़िना चले माय मुन्ता इंजो, फेरके समिति तोर होन मुयतो मानी न लोन तेगा अंज वेहतोर आर समझाकितोर इतके मुयतोर समझे मेयोर, फेरके समिति तोर केतोर कि ईले कितके पिला डोलिता इदीन बंद कीवीन तो थाना तेगा रिपोर्ट वाटीतोम इद माटा केंजी समझे हतोर फेरके होण्ड कागज तेगा लिखा कीस होना दसकत पोयतोर इंजे पिलानीक धागा कीयनेद बंद हता।



स्वास्थ्य समिति राशन दुकान तेग जमा राशन कार्ड वापस तहलकता

विकासखण्ड-लोहण्डीगुड़ा, जिला-बस्तर



ग्राम स्वास्थ्य स्वच्छता व पोषण समिति त संकुल मिटिंग तेगा सत्रह परिवार त राशन कार्ड तीन राशन दुकान तोन जमा कितोर आर मूण्ड लेंजक हायमुंता कि राशन वेण्डे ईवोर इद माटा मिटिंग तेगा पेयहता फेरके तुरते मिटिंग तिना समिति तोर राशन दुकान तेगा वतोर आर दुकान चला कीयनोर मानीक संग वेहतोर दुकान चला कीयनोर सेल्समेन केतोर कि इद सत्रह परिवार त राशन कार्ड वापस जमा हता, फेरके समिति तोर राशन दुकान त हेल्प लाइन तेगा फोन लगा कितोर आर जानकारी पूछा कितोर हेल्प लाइन

तोर कम्प्यूटर तेगा हुड़ी नल केतोर की इद जमय सत्रह परिवार त पेदेर मिंदे आर राशन वेण्डे वेरा पेदेर ते पेयहता मुन्ता इव जमय माटा राशन दुकान तोर सेल्स मेन न सामने वेहतोर इद माटा केंजी सेल्समेन केतोर कि नना सरपंच केंताक जमा कितान जब तक सरपंच केलोक मीक राशन ईवोन फेरके समिति तोर तुरते सरपंच कीन करंगतोर सरपंच वास नल केतोर कि नना मना कीवोन आर सेल्समेन तोन केतोर कि नेडतिन ईले बेनोनो राशन रोका कीमा।

मितानिन न कामद माटा तिन कोया ते दंतेवाड़ा जिला समन्वयक

सुखदेव काड़ियाम लिखा कितोर.....

